

倭行本起經

籍

下

三百八十五
言十

49601



Vertical text columns, likely bleed-through from the reverse side of the page. The characters are small and difficult to read due to the watermark and image quality.

Vertical text on the right side of the page, possibly bleed-through or a separate column of text.

後行本起經卷下

後漢沙門竺大力共康孟祥譯

遊觀品第四



於是王告太子當行遊觀太子念言久在深
宮思欲出遊審得所願王勅國中太子當出

嚴整道巷灑掃燒香懸繒幡蓋務令鮮潔

太子導從千乘萬騎始出東城門時首陀會

名難提和羅欲令太子速疾出家救濟十方



三毒火然願雨法水以滅毒火難提和羅化

作老人踞於道傍頭白齒落皮緩面皺肉消

脊偻支節萎曲眼淚鼻涕涎出相屬上氣喘

息身色黧黑頭手脫掉軀體戰掉髮落自

言

坐卧其上太子問言此爲何人天祚窮壽
言老人何等爲老曰夫老者年耆根熟形變
色衰氣微力竭食不消化骨節欲離坐卧須
人目冥耳聾迴旋即忘言輒悲衰餘命無幾
故謂之老太子歎曰人生於世有此老患愚
人貪愛何可樂者物生於春秋冬悴枯老
如電身安足恃即說偈言

老則色衰病無光澤

皮緩肌縮死命近促

老則形變 喻如故車

法能除苦 宜以力學

命欲日夜盡 及時可勤力 世間諦非常

莫或墮冥中 當學然意燈 自練求智慧

離垢勿滌汙 執燭觀道池

非是太子即迴車還驚傷一切有此大害
思不樂王問其僕太子出遊何故速還其僕
答言道逢老人傷念不樂還宮愁思數年小
差復欲出遊王勅國中太子當出禁諸臭穢
莫在道側於是太子駕乘出南城門天化爲
病入在于道側身瘦腹大軀體黃熟咳嗽
逆首節痛毒九孔敗漏不淨自後目不見
耳不聞聲呻吟呼吸手足摸空喚呼父母悲
變妻子太子問曰此爲何等其僕答言病人
也何等爲病答言人有四大地水火風一大
有百一病展轉相鑽四百四病同時俱作此
不必以極寒極熱極飢極飽極飲極渴

失所卧起無常故致斯病太子歎曰吾處
貴極世所珍飲食快口放心自恣媮於五欲
不能自覺亦當有病與彼何異即說偈言

是身為脆哉 常俱四大中 九孔不淨漏

有老有病患 生天皆無常 人間老病憂

觀身如雨泡 世間何可樂

於是太子迴車還宮思念一切有此大患

問其僕太子出遊今者何如其僕答言逢見

病人於是不樂數年小差復欲出遊王勅國

中太子當出平治臭處無令近道出西城門

天化作死人扶輿出城室家隨車啼哭呼天

奈何捨我永為別離太子問曰此為何等僕

言死人何等為死。答：死者盡也。精神去矣。四大欲散，鬼神不安。風去息絕，火滅身冷。風之間，肉壞血流，縫脹爛臭，無一可取。身中有虫，虫還食之。筋脉爛盡，骨節解散，髑髏異處。脊脇肩臂脾脛足指，各自異處。飛鳥走獸，競來食之。天龍鬼神帝王人民，貧富貴賤，無免此患。太子長歎而說頌曰：

觀見老病死，太子心長歎。人生無常在，吾身亦當然。是身為死物，精神無所法。假令死復生，罪福不敗亡。終始非一世，從癡愛久長。自此受苦樂，身死神不喪。

非空非海中 非入山石間 無有地方所

脫止不受死

於是太子迴車還宮愍念衆生有老病死苦
惱大患愁思不食王問其僕太子出遊寧者
樂乎即荅王言逢見死人遂致不樂數年小
差復欲遊觀嚴駕出北城門天復化作沙門
法服持鉢行步安詳目不離前太子問曰此
爲何人其僕荅曰沙門也何等爲沙門蓋聞
沙門之爲道也捨家妻子捐棄愛欲斷絕二
情守戒無爲得一心者則萬邪滅矣一心之
道謂之羅漢羅漢者真人也聲色不能汙榮
位不能屈難動如地已免憂苦存亡自在太

子曰善哉惟是爲快即說偈言

痛哉有此苦

生老病死患

精神還入罪

經歷諸勤苦

今當滅諸苦

生老病死除

不復與愛會

永今得滅度

於是太子即迴車還憂思不食王問其僕太

子又出意豈樂乎僕言行見沙門倍更憂思

不饗飲食王聞大怒舉手自擊前勅修道復

令太子出輒見不祥罪應刑戮即召群臣各

使建議設何方術當令太子不出學道有一

臣言宜令太子監農種植役其意思使不念

道便以農器犁牛作具僕從小吏相率上田

令監課之太子坐閭浮樹下見耕者墾壤出

垂天復化今牛領興壞垂下淋落鳥隨啄吞
又作蝦蟇追食曲蟬虵從穴出吞食蝦蟇孔
雀飛下啄吞其虵倉鷹飛來搏取孔雀鵬鷲
復來搏撮食之菩薩見此衆生品類展轉相
吞慈心愍傷即於樹下得第一禪日光赫奕
樹爲曲枝隨蔭其軀王念太子常在宮中未
曾執苦即問其僕太子何如對言今在閻浮
樹下一心禪定王曰吾今監作欲亂其思然
故禪定在家何異王勅嚴駕便往迎之遙見
太子樹枝曲蔭神曜非常不識下馬爲作禮
時即與俱還未及城門無數千人華香奉迎
相師一切稱壽無量王問何故梵志荅言明

旦日出七寶當至王大歡喜必成聖主
修行本起經出家品第五

是時太子還宮思惟念道清淨不宜在家當
處山林研精行禪至年十九四月七日誓欲
出家至夜半後明星出時諸天側塞虛空勸
太子去時裘夷見五寢即便驚覺太子問之

何故驚寢對曰向者寢中見須彌山崩月明
落地珠光忽滅頭髻墮地人奪我蓋是故驚
覺菩薩心念此五寢者應吾身耳念當出家
告裘夷言須彌不崩月明續照珠光不滅頭
髻不落傘蓋今在且自安寐莫憂失蓋於是
諸天言太子當去恐作稽留召烏蘇慢

漢言
厭神

適來入宮國內厭寐時難提和羅化諸宮殿
盡爲塚墓裘夷妓女皆成死人骨節解散髑
髏異處臃脹爛臭青瘀膿血流漫相屬太子
觀視宮殿悉作塚墓鷄鶻狐狸豺狼鳥獸飛
走其間太子觀見一切所有如幻如化如夢
如響皆悉歸空而愚者保之即呼車匿急令
被馬車匿言天尚未曉被馬何疾太子即爲
車匿而說偈言

今我不樂世 車匿莫稽留 使我本願成

除汝三世苦

於是車匿即行被馬馬便跳踉不可得近還
白太子馬今不可得被菩薩自往拊拍馬背

而說頌曰

在於生死久

騎乘絕於今

蹇特送我出

得道不忘汝

於是被馬訖蹇特自念言今當足蹋地感動
中外人四神接舉足令脚不著地馬時復欲
鳴使聲遠近聞天便散馬聲皆今入虛空太
子即上馬出行詣城門諸天龍神釋梵四天
皆悉導從蓋於虛空時城門神人現稽首言
迦維羅衛國天下最爲中豐樂人民安何故
捨之去

太子以偈答言

生死爲久長

精神經五道

使我本願成

當開泥洹門

於是城門自然便開出門飛去天曉行四百

八十里到阿奴摩國

漢言常滿

太子下馬解身寶

衣瓔珞寶冠盡與闍特告言汝便牽馬歸上

謝大王及國群臣闍特言今當隨從供給所

須不可獨還放馬今去山中多有毒虫虎狼

師子誰當供養飲食水漿牀卧之具當何從

得要當隨從與并身命騫特長跪淚出舐足

見水不飲得草不食鳴啼流涕徘徊不去太

子復說偈言

身強得病摧

氣盛老至衰

死亡生別離

云何樂世間

於是聞特悲泣禮足牽馬辭還未至國城四
十里外白馬悲鳴其聲徹國中國中皆去太
子來還舉國人民駱驛出迎但見車匿牽馬
空還裘夷見此自投殿下抱馬歔歔淚下交
橫王見裘夷泣五內皆摧傷自抑告言曰吾
子學自然國中臣民見王及裘夷哽噎悲泣
莫不為摧傷裘夷日夜思王便召群臣吾有
一太子捨我而入山卿曹相差次今數滿五
人人共追侍太子慎勿中來還太子得離俗
踊躍欣喜安徐步行入城國人覩太子歡喜
無有馱太子離恩愛遠諸苦惱根思欲剃頭
髮倉卒無有具帝釋持刀來天神受髮去遂

復前行國中人民隨而觀之於是出國小復
前行到摩竭國從右門入左門出國中人民
男女大小見太子者或言天人或言帝釋梵天
神龍王歡喜踊躍不知何神太子知其所念
便下道坐樹下人民圍遶歡喜觀視時國王
蒞沙即問臣吏國中何以寂默了無音聲對
曰朝有道士經國過去光相威儀非世所有
國人大小追出而觀于今未還於是王與群
臣出詣道士遙見太子光相殊妙便問太子
是何神乎太子荅言吾非神也若非神者從
何國來何所姓族太子報言吾出香山之東
雪山之北國名迦維父名白淨母名摩耶蒞

沙問言將無悉達乎。荅言是也。驚起禮足。太子生多奇異形相。炳著當君。四天下爲轉輪聖王。四海顛顛。冀神寶至。何棄天位。自投山藪。必有異見。願聞其志。太子荅言。以吾所見。天地人物。出生有死。劇痛有四。老病死苦。不可得離身爲苦。器憂畏無量。若在尊寵。則有僑逸。貪求快意。天下被患。此吾所厭。故欲入山。諸耆長曰。夫老病死。自世之常。何獨預憂。乃棄美号。隱遁潛居。以勞其形。不亦難耶。於是太子即說頌言。

如今人在胎。不爲不淨。

如今在淨。不爲不淨。

如令苦不為多無有數
假令如是誰不樂世間
如令人老形不若干變
如令善行者不為惡行
如令愛別離不為苦痛
假令如是誰不樂世間
如令病瘦無復有大畏
如令後世無有諸惡對
如令墮地獄無有苦痛
假令如是誰不樂世間
如令年少形不變壞者
如令所不可不以著心

如令死至時無有衆畏
假令如是誰不樂世間
如令愚癡不以爲厚真
如令瞋恚不爲強怨家
如令五樂心不爲深惡
假令如是誰不樂世者
如令不與諸癡人共居
如令衆癡法自遠離人
如令諸癡人無有思想
假令如是誰不樂世者
如令諸惡種不若干輩
如令諸惡盡滅自離人

如令諸惡念無有思想
假令如是誰不樂世者
如令世間惡為最尊上
如令惡行已滅不復生
如令諸惡行盡無有實
假令如是誰不樂世者

如令諸天食福常不動
如令世人壽命常得存
如令諸處所不為行趣
假令如是誰不樂世者
如令諸陰蓋不為怨家
如令諸六入無有苦惱

如令諸惡念無有思想
假令如是誰不樂世者

如令世間惡為最尊上

如令惡行已滅不復生

如令諸惡行盡無有實

假令如是誰不樂世者

如令諸天食福常不動

如令世人壽命常得存

如令諸處所不為行趣

假令如是誰不樂世者

如令諸陰蓋不為怨家

如令諸六入無有苦惱

如今一切世間爲不苦
假令如是誰不樂世者

於是太子言如諸君言不當預憂使我爲王
老到病至若當死時寧有代我受此厄者如
無有代胡可勿憂天下有慈父孝子愛徹骨
髓至當死時不得相代若此僞身苦至之日
雖居高位六親在側如爲盲人設燭何益於
無眼者吾覩衆行一切無常皆化非真樂少
苦多身非己有世間虛無難得久居物生有
死事成有敗安則有危得則有亡萬物紛擾
皆當歸空精神無形躁濁不明行致死生之
厄非直一受而已也但爲貪愛蔽在癡網沒

生死河莫之能覺故吾欲入山一心思四空
淨度色滅恚斷求念空無所適莫是將返其
源而歸其本始出其根如我願得乃可大安
蒞沙王及諸耆長歡喜意解太子志妙世間
難有必得佛道願先度我太子默然而逝復
前念言今我入山當用寶衣為世間癡愚
皆為財所危即便見獵師驅遊被法衣太子
喜念言此則真人衣度世慈悲服獵者何故
著心念欲貿易成我志所願便持金縷衣質
取法衣震越獵者內歡喜菩薩亦俱然太子
被震越柔軟鮮且潔願視僧伽梨過佛無差
別於是遂入山菩薩得法服欣喜光照耀山

林諸道士一名為阿蘭二名為迦蘭學味積
年四禪具足獲致五通見光驚恠此何瑞應
便共出觀遙見太子是為悉達今果出家善
來悉達便坐是榻冷泉美果今可食之而作

頌曰

日王初出時

在於山頂上

是故慧明照

一切諸群生

若有觀面像

緣意不知厭

是故道德最

無雙無有比

是時菩薩說頌言

雖修四定意

不知無上慧

道心正為本

不在事邪神

行俗謂為真

長夜求梵天

是故不識道

輪轉墮生死

六年勤苦品第六

於是菩薩行起慈心徧念衆生老耄專愚不
免疾病死喪之痛欲令解脫以一其意而起
悲心愍傷一切皆有飢渴寒暑得失罪咎艱
難之患欲令安隱以一其意而起喜心念諸
世間皆有憂苦恐怖遭逢之患欲令恬怕以
一其意而起護心欲度五道八難衆生愚蔽
朦闇不見正道念欲成濟使得無爲以一其
意得善不喜逢惡不憂捨世八事利衰毀譽
稱譏苦樂不以傾動成二禪行復前到斯那
川其川平正多衆果樹處處有流泉浴池其
中淨潔無有蚊蜂螿蠅蠅蚤川中道士名爲

斯那教授弟子等五百人修其所術於是菩
薩坐娑羅樹下便為一切志求無上正真之
道諸天奉甘露菩薩一不肯受自誓日食一
麻一米以續精氣端坐六年形體羸瘦皮骨
相連玄清靜寞寂默一心內思安般一數二
隨三止四觀五還六淨遊志三四出十二門
無分散意神通妙達棄欲惡法無復五蓋不
受五欲衆惡自滅念計分明思視無為譬如
健人得勝怨家意以清淨成三禪行天帝釋
意念言菩薩坐樹下六年已滿形體羸瘦今
當使世間人奉轉輪王食補六年之飢虛便
感斯那二女使於夢中見天下盡成為水中

有一華七寶光色。須臾便萎。失其本色。見有一人。以水灑上。更生如故。水中衆華。始生萌牙。覆水如出。二女夢寤。恠未曾有。即啓語父。其父不解。盡問耆年。皆不能說。天帝復下化。作梵志。爲女解夢。言汝見天下水中生一華者。是白淨王太子初生時。今在樹下。六年身羸形瘦。是華萎時。見一人水灑。更生者。是能獻食者。小華萌牙欲出者。是五道生死人也。時天帝釋。即說偈言。

六年不傾倚 亦不念飢寒 精進無所著
形瘦皮骨連 汝等脩敬意 奉獻於菩薩
現世獲大福 後世受果報

女言獻食者其法去何梵志荅言當取五百
牛乳展轉相飲至于一牛穀一牛糞持用作
糜乳糜涌沸出高七仞左上右下右上左下
斟糜入鉢釜杓不汗二女恭肅奉獻菩薩菩
薩意念欲先沐浴然後受糜行詣流水側洒
浴身形浴訖欲出水天神按樹枝三女奉乳
糜得色氣力充呪願福無量令女歸三尊食
畢洗手漱口澡鉢已還擲水中逆流未至七
里天化作金翅鳥飛來捧鉢去并疑一處供
養起塔即復前行當度尼連禪河是時菩薩
便說偈言

度水尼連禪

慈愍一切人

五道三毒垢

使除如水淨 菩薩興是念 一切癡墮冥

當持八直水 洗除三毒垢 是時始上岸

青雀有五百 飛來繞菩薩 三帀悲鳴去

於是復前行當過瞽龍池時龍大歡喜踊出

見菩薩便說偈言

善哉見悉達 來救何以晚 奉請一切衆

無上甘露漿 行步地震動 衆樂自然鳴

正與過佛等 於我無有疑 今持無上恚

降伏諸魔怨 今當佛日照 覺諸群生眠

於是復前行望見藪林已其地平正四望清

淨生草柔粟甘泉盈流華香茂潔中有一樹

高雅竒特枝枝相次葉葉相加華色藟鬱如

天莊飾天幡在樹頂是則為元吉衆樹林中
王於是小前行見一刈草人菩薩便問曰今
汝名何等我名為吉祥今刈吉祥草今汝施
我草十方皆吉祥

時吉祥即說偈言

以棄聖王位

七寶玉女妻

金銀之牀榻

毳毼錦繡縵

鴉鳴鳥哀聲

八部真音響

超越過梵天

今用芻草為

菩薩以偈荅曰

發願阿僧祇

欲度五道人

今往滿本願

是故欲得草

人與把亂草

便持向樹王

世間意皆亂

我當正其志

即持草布地

齊正如所言。菩薩便坐上。一切蒙其恩。
菩薩作三要。正坐及其樹。若我不得道。
終不離三誓。言我肌骨枯。不動會當成。
過佛得道時。皆悉出一心。

於是菩薩安坐入定。棄苦樂意。無憂喜想。心
不依善。亦不附惡。正在其中。如人沐浴淨潔。
覆以白氈。中外俱淨。表裏無垢。喘息自滅。寂
然無變成。四禪行已得定。意不捨大悲智慧。
方便究暢。要妙通三十七道品之行。何謂三
十七品。一為四意止。二為四意斷。三為四神
足。四為五根。五為五力。六為七覺意。七為八
直行。周而復始。苦空非常無相無願。我念世

聞貪愛嗜欲隨生死苦少能自覺本從十二
因緣起何等爲十二本從癡行便有識緣識
行便有名義從名字行便有六入緣六入行
便有更樂緣更樂行便有痛緣痛行便有愛
緣愛行便有取緣取行便有有緣有行便有
生緣生行便有老死憂悲苦痛心惱大患具
有精神從是轉墮生死欲得道者當斷貪愛
滅除情欲無爲無起然則癡滅癡滅則行滅
行滅則識滅識滅則名字滅名字滅則六入
滅六入滅則更樂滅更樂滅則痛滅痛滅則
愛滅愛滅則取滅取滅則有滅有滅則生滅
生滅則老死憂悲苦痛心惱大患皆盡是謂

得道

降魔品第七

菩薩心自念言今當降魔官屬即放眉間毫
相光明感動魔宮魔大惶怖心中不寧觀見
菩薩已在樹下清淨無欲精思不懈心中煩
毒飲食不甘伎樂不御念是道成必大勝我
欲及其未作佛壞其道意魔子須摩提漢言賢意前諫
父曰菩薩行淨三界無比以得自然神通衆
梵諸天億百皆往禮侍此非天人所當沮壞
無爲興惡自毀其福魔王不聽召三玉女一
名恩愛二名常樂三名大樂父王莫憂吾等
自往壞菩薩道不足爲勞父王勿復憂念於

是三女莊嚴天服從五百玉女到菩薩所彈
琴歌頌姪欲之辭欲亂道意三女復言仁德
至重諸天所敬應有供養故天獻我我等淨
潔年在盛時願得晨起夜寐供侍左右菩薩
答言汝宿有福受得天身不惟無常而作妖
媚形體雖好而心不端譬如畫瓶中盛臭毒
將以自壞有何等奇福難久居姪惡不善自
亡其本福盡罪至墮三惡道受六畜形欲脫
致難汝輩亂人道意不計非常經歷劫數展
轉五道今汝曹等未離勤苦吾在世間處處
所生觀視老者如母中者如姊小者如妹諸
姊各各還宮勿復作是曹事菩薩一言便成

老母頭白齒落眼冥脊偃拄杖相扶而還魔
見三女還皆成老母益大忿怒更召鬼神王
合得十八億皆從天來下圍遶菩薩三十六
由旬皆使變成師子熊羆兕虎象龍牛馬犬
豕猴狻之形不可稱言垂頭人軀虺蛇之身
龜龜之首而有六目或一頭而多頭齒牙爪
距擔山吐火雷電四遶攫持戟矛菩薩慈心
不驚不怖一毛不動光顏益好鬼兵不能得
近魔王便前說偈問言菩薩慈心所問盡答曰
比丘何求坐樹下
樂於林藪毒獸間
雲起可畏竊冥冥
天魔圍遶不以驚
古有真道佛所行
恬淡爲上除不明

其城最勝法滿藏
汝當作王轉金輪
所受五欲最無比
吾覩欲盛吞火銅
得王亦有老死憂
何安坐林如大語
不見我興四部兵
已見猴後師子面
皆持刀劍攫戈矛
設復億姪神武備
矢刃火攻如風雨
魔有本願令我退

吾求斯坐汝魔王
七寶自至典四方
斯處無道起入宮
奔國如唾無所貪
去此無利勿妄談
委國財位守空閑
烏馬步兵十八億
虎兇毒蛇豕鬼形
超躍哮呼滿空中
爲魔如汝來會此
不先得佛終不起
吾亦自誓不虛還

今汝福地何如佛
吾曾終身使布施
比丘知我宿福行
昔吾行願從錠光
怒畏想盡故坐斯
我所奉事諸佛多
仁戒積德厚於地
菩薩即以智慧力
應時普地軒大動
魔王敗勦悵失利
其子又曉心乃寤
吾以不復用兵器

於是可知誰得勝
故典六天爲魔王
自稱無量誰爲證
受拜爲佛釋迦文
意定必解壞汝軍
財寶衣食常施人
是以脫想無患難
伸手按地是知我
魔與眷屬顛倒墮
昏迷却踞前盡地
即時自歸前悔過
等行慈心却魔怨

世用兵器動人心

而我以等如眾生

若調為馬雖已調

然後故態會復生

若得最調如佛性

已如佛調無不仁

諸天見佛擒魔眾

忍調無想怨自降

諸天歡喜奉華臻

非法王壞法王勝

本從等意智慧力

慧能即時攘不祥

能使怨家為弟子

當禮四等道之證

面如滿月色縱容

名聞十方德如山

求佛像貌難得比

當誓首斯度世仙

菩薩累劫清淨之行至濡大慈道定自然忍

力降魔鬼兵退散定意如故不以智慮無憂

喜想是日夜半後得三術閣

三術閣者漢言
三神滿具足

漏盡結解自知本昔久所習行四神足念精
進定欲定意定慧定得變化法所欲如意不
復用思身能飛行能分一身作百作千至億
萬無數復合爲一能徹入地石壁皆過從一
方現俯沒仰出譬如水波能身中出水火能履
水行虛身不陷墜坐卧空中如飛鳥翔立能
及天手捫日月欲身平立至梵自在眼徹視
耳洞聽意預知諸天人龍鬼神蚊行蠕動之
類身行口言心所念悉見聞知諸有貪婬無
貪婬者有瞋怒無瞋怒者有愚癡無愚癡者
有愛欲無愛欲者有大志行無大志行者有
內外行無內外行者有念善不念善者有一

心無一心者有解脫意無解脫意者一切悉
知菩薩觀天上人中地獄畜生鬼神五道先
世父母兄弟妻子中外姓字一一分別一世
十世百千萬億無數世事至于天地一劫崩
懷空荒之時一劫始成人物興時能知十劫
百劫至千萬億無數劫中內外姓字衣食苦
樂壽命長短死此生彼展轉所趣從上頭始
諸所更身生長老終形色好醜賢愚苦樂一
切三界皆分別知見人鬼神各自隨行生五
道中或墮地獄或墮畜生或作鬼神或生天
上或入人形有生豪貴富樂家者有生卑鄙
貧賤家者知衆生或五陰自弊一色像二痛

癢三思想四行作五寃識皆習五欲眼貪色
耳貪聲鼻貪香舌貪味身貪細滑牽於愛欲
或於財色思望安樂從是生諸惡本從惡致
苦能斷愛習不隨婬心大如毛髮受行八道
則衆苦滅譬如無薪亦無火是謂無爲度世
之道菩薩自知已棄惡本無婬怒癡生死已盡五
陰諸種悉斷無餘灾孽所作已成智慧已了
明星出時廓然大悟得無上正真道爲最正
覺得佛十八法有十神力四無所畏佛十八
法者謂從得佛至于泥洹一無失道二無空
言三無妄志四無不靜意五無若干想六無
不省視七志欲無減八精進無減九定意無

減十智慧無減十一解脫無減十二度知見
無減十三古世之事悉知見十四來世之事
悉知見十五今世之事悉知見十六攬眾身
行化以始所知十七攬眾言行化以始所知
十八攬眾意行化以始所知是爲佛十八不
共之法十神力者佛悉知見深微隱遠是處
非處明審如有一力也佛悉明知來今往古
所造行地其受報處二力也佛悉分別天人
衆生彼彼異念三力也佛知衆生若干種語
及度世語四力也佛悉了知世間雜種無量
情態五力也佛能現禪解脫定行除衆勞諍
六力也佛知欲縛知欲解要在所宜行七力

也佛智如海善言無量追識一切宿命所更
八力也佛天眼淨見人物死神所出生善惡
殃福隨行受報九力也佛漏已盡無復縛著
神真叡智自知見證究暢道行可作能作無
餘生死其智明審是爲佛十神力也四無所
畏者佛神智正覺無所不知愚人感言佛不
悉知至於梵魔衆聖皆莫能論佛之智故獨
步不懼一無畏也佛漏盡悉止愚惑相言佛
漏未盡至梵魔衆聖莫能論佛之志故獨步
不懼二無畏也佛說經戒天下誦習愚惑相
言佛經可過至梵魔衆聖莫能論毀佛之正
經故獨步不懼三無畏也佛現道義言真而

要能度苦厄愚惑相言不能度苦至梵魔衆
聖莫能論佛正道故周行不懼四無畏也佛
得是意一切智見坐自念言是實微妙難知
難明甚難得也高而無上廣不可極淵而無
下深不可測大苞天地細入無間養育衆生
如視赤子承事諸佛積德無量累劫勤苦不
亡其功今悉得之喜自頌曰
作福之報快 衆願皆得成 速疾入衆寂
皆得至泥洹 今覺佛極尊 棄姪淨無漏
一切能將導 從者必歡喜
是時佛在摩竭提界善勝道場貝多樹下德
力降魔覺慧神靜三達無礙度二賈客提謂

波利授三自歸及與五戒為清信士念昔錠
光前我為佛汝後百劫當得作佛名釋迦文
如來至真等正覺明行足為善逝世間解無
上士道法御天人師号佛世尊度脫衆生如
我今也吾從是來建立弘誓奉行六度四等
四恩三十七品善權隨時一切諸法積累不
倦高行殊異忍苦無量功報不遺大願果成
佛說經已一切衆會皆大歡喜為佛作禮而
去

修行本起經卷下十

言

踞

音據

面皴

下瘦

反側

脊僂

下主

反力

洩涎

上似

倍連

反替

喘

了

息軟上 歿反 鷺黑上音 肱掉上音 欸軟上

奏下 蘇反 嘔逆上 呻吟上音 鑽子官反 脆取歲反 扶反

舉正音 昇作昇 挺直上 或作他 頂反 脰脹上 正作脰

降反 向反 脾脛上 正作脛 蒲米墾壤上 苦本反

啄吞卓上音 蝦蟄二字音 曲蟬下音 善稽留上音

雞厭寐上 正作魔 流漫下音 莫鷄鵠下音 天脂休反

狐狸力上音 胡下 豺狼上音 才下 跳踉上音

浪音 拊拍武上 芳反 闡特上 初反 舐時只 駱驛二字音

歔歔許上音 虛下 倉卒下 鹿炳著上音 丙下 顛顯

吾恭 山藪下音 隱遁下 徒躁反 則到 蔽在祭上

適莫上音 賀莫候反 榻音 老耄下音 莫悞怕上

敢反 蚊蜂上音 峴下音 峯正作 壺壺上音 瘳反 不蠅

蚤 上音余陵反 餉 詩尚 搆 古候反 牛乳也 上音作 種 家音 糜

密 下音 剡 之林 金杓 上音若反 漱 口瘦音

翅 去音施 瞽 古音 莛 鬱 鳥 孔音 翁 又魚 列

毳 上音 毳 力朱反 繡 上音 縵 正作 鵙 上音 鳴 上音

音 葦 上音 草 俱反 沮 上音 壞 呂反 脊 下音 偃 主反 熊 音 羆 音 雄

早 兕 上音 虎 詞姊反 犬 下式 猴 二音 獲 二音 園 音 蚯

虵 上音 吾 官音 九 又 龜 上音 爪 下音 距 上音 之 巧 戟 反 矛

下音 居 逆反 窈 上音 冥 上音 恬 下音 淡 上音 徒 添反 攬 俱縛

戈 和反 矛 古反 哮 上音 呼 交反 孩 古反 衰 徒反 矢 式反 首 軒 普 萌

勣 積音 悵 反 擒 禽音 臻 側中 攘 而羊 翔 音 手 捫

門 下音 栽 上音 藥 吾割反 廓 然 郭 上音 苦 反 穀 智 上 羊 淵

焉 玄 苞 必交 莠 并列

